

Headline	TH lantik 3 pengurusan kanan baharu		
MediaTitle	Berita Harian		
Date	26 Feb 2020	Color	Full Color
Section	Bisnes	Circulation	82,252
Page No	51	Readership	246,756
Language	Malay	ArticleSize	340 cm ²
Journalist	N/A	AdValue	RM 11,302
Frequency	Daily	PR Value	RM 33,905



TH lantik 3 pengurusan kanan baharu

Lembaga Tabung Haji (TH) mengumumkan tiga lantikan baharu pengurusan kanan iaitu Ketua Pegawai Kewangan, Ketua Pegawai Pelaburan dan Pengurus Besar Pelaburan Strategik.

Ia dalam usaha agensi berkenaan mengukuhkan lagi pentadbiran kewangan dan pelaburannya.

TH dalam satu kenyataan di Kuala Lumpur, semalam, berkata Datuk Merina Abu Tahir dilantik sebagai Ketua Pegawai Kewangan (CFO) berkuat kuasa pada 5 Februari yang lalu.

Beliau adalah Akauntan Bertauliah Malaysian Institute of Accountants (MIA), Association of Chartered Certified Accountants (ACCA), Malaysian Institute of Certified Public Accountants (MICPA), ASEAN Chartered Professional Accountant (ASEAN CPA), dan Institute of Internal Auditors Malaysia (IIAM).

Beliau mempunyai lebih daripada 30 tahun pengalaman bekerja di pelbagai syarikat tempatan dan antarabangsa termasuk multinasional, institusi kewangan dan amalan audit.

"Pengalaman luas Merina meliputi aspek pengurusan umum, kewangan, komersial, pembangunan perniagaan, dan audit dalaman & luaran.

"Selain pernah dilantik seba-



Merina Abu Tahir

gai ahli Majlis Institut Akauntan Malaysia (MIA) pada Disember 2016 hingga November 2019, beliau juga adalah bekas Pengurus Jawatankuasa Penasihat ACCA Malaysia," kata kenyataan itu.

Bagi mengukuhkan pengurusan pelaburan, TH juga melantik Mohamad Damshal Awang Damit sebagai Ketua Pegawai Pelaburan berkuat kuasa 20 Januari 2020.

Beliau adalah lulusan MBA dari University of Toledo, Ohio, Amerika Syarikat dan juga pemegang charter sebagai Penganalisis Kewangan Bertauliah atau Chartered Financial Analyst (CFA).

Sebelum menyertai semula TH, Mohamad Damshal adalah Ketua Pelaburan Ekuiti dan Pendapatan Tetap di Pertubuhan Keselamatan Sosial (PER-



Mohamad Damshal

KESO) Malaysia.

Beliau mempunyai lebih daripada 26 tahun pengalaman bekerja khususnya dalam bidang pengurusan pelaburan domestik dan luar negara, analisa kredit serta kawal selia risiko, termasuk pernah menjadi Ketua Pegawai Eksekutif di syarikat dana pelaburan komersil.

Sebelum ini, beliau pernah berkhidmat di TH dari 1999 sehingga 2003 di bahagian perancangan korporat dan pernah mengetuai pengurusan portfolio pelaburan pendapatan tetap.

Bagi meningkatkan potensi pelaburan aset strategik, TH melantik Muhammad Fawwaz Aminuddin sebagai Pengurus Besar Pelaburan Strategik berkuat kuasa 11 Februari 2020.

Beliau adalah pemegang CFA dari CFA Institute dan Akauntan



Muhammad Fawwaz

Bertauliah (ACA) dari Institute of Chartered Accountants in England and Wales (ICAEW).

Muhammad Fawwaz mempunyai pengalaman luas dalam pengurusan strategi pelaburan dengan pengkhususan dalam perancangan strategik, pembangunan organisasi, penstrukturan transaksi, kewangan korporat, pengurusan projek, penilaian pelaburan serta pembangunan perniagaan.

Beliau juga pernah berkhidmat sebagai juruaudit di Deloitte United Kingdom sebelum menyertai PricewaterhouseCoopers (PwC) Malaysia sebagai perunding korporat.

Sebelum menyertai TH, beliau berkhidmat sebagai Pengurus Besar di UMW Group dan sebagai pengurusan tertinggi beberapa buah syarikat di Asia Barat.